

Jamoatchilik kengashi axboroti

I. Statistika agentligi huzuridagi Jamoatchilik kengashi faoliyatining 2023-yil I chorak yakuni bo'yicha tahlili;

II. "2023-yil uchun Statistika dasturi" doirasida 2023- yil I chorak yakuni bo'yicha bajarilgan ishlar to'g'risida;

III. Xalqaro hamkorlik va axborot almashinuvi bo'yicha amalga oshirilayotgan ishlar;

IV. Aholini ro'yxatga olish ishlariga tayyorgarlik ko'rish va ularni amalga oshirish bo'yicha amalga oshirilgan ishlar;

V. Statistika agentligi faoliyatida korrupsiyaga qarshi kurashish sohasida olib borilayotgan ishlar holati tahlili;

VI. Ijro intizomi bo'yicha I chorak yakuni bo'yicha bajarilgan ishlar.

Statistika agentligi huzuridagi Jamoatchilik kengashi (keyingi o'rinlarda Jamoatchilik kengashi) raisi Y.A. Abdullayev kun tartibidagi masalalar bilan ishtirokchilarni tanishtirdi.

I. Statistika agentligi huzuridagi Jamoatchilik kengashi raisi Y. Abdullayevning 2023-yil I choragi yakuni bo'yicha kengash faoliyatiga doir hisoboti.

Jamoatchilik kengashi raisi Y.A. Abdullayev 2023-yil "Insonga e'tibor va sifatli ta'lim" yili doirasida tizim oldiga belgilab berilgan topshiriqlarni so'zsiz, sifatli va o'z muddatida ijrosini ta'minlash borasida 2023-yilning I choragida amalga oshirilgan ishlar haqida ma'lumot berdi.

Xususan, u O'zbekiston Respublikasi Prezidentining "Davlat organlari va tashkilotlarining faoliyati ochiqligini ta'minlash, shuningdek, jamoatchilik nazoratini samarali amalga oshirishga doir qo'shimcha chora-tadbirlar to'g'risida"gi Farmonida belgilangan vazifalar va mazkur Farmon bilan Jamoatchilik kengashi nizomiga kiritilgan asosiy o'zgarishlar borasida to'xtalib o'tdi.

Jumladan, davlatimiz rahbarining "Davlat organlari va tashkilotlarining faoliyati ochiqligini ta'minlash, shuningdek, jamoatchilik nazoratini samarali amalga oshirishga doir qo'shimcha chora-tadbirlar to'g'risida"gi Farmoni ijrosini ta'minlash maqsadida statistika tizimi faoliyatiga oid hisobotlar (davlat sirlari va xizmatda foydalanish uchun mo'ljallangan ma'lumotlar bundan mustasno) rasmiy qo'mita rasmiy veb-saytida muntazam ravishda e'lon qilib borilmoqda.

Shuningdek, Jamoatchilik kengashi tomonidan turli yo'nalishlar bo'yicha tadbirlar tashkil etilib, mavjud kamchiliklar muhokama qilinib, muammolar o'z vaqtida bartaraf etilishi bo'yicha chora-tadbirlar ishlab chiqilyapti.

Xususan, quyidagilar to'g'risidagi ma'lumotlarni O'zbekiston Respublikasining Ochiq ma'lumotlar portaliga va o'z rasmiy veb-saytlariga joylashtirib, har chorakda yangilanib borilmoqda:

- amalga oshirilgan davlat xaridlari, shu jumladan to'g'ridan-to'g'ri shartnomalar bo'yicha xarid qilinadigan tovarlar;

- mansabdor shaxslarning xizmat safarlari va xorijdan tashrif buyurgan mehmonlarni kutib olish xarajatlari (xizmat safarining yoki tashrifning maqsadi, sutkalik pul, transport va yashash bilan bog'liq xarajatlar, bundan davlat sirlari va xizmatda foydalanish uchun mo'ljallangan ma'lumotlar mustasno);

- o'zlarining yillik xarajatlar smetasi va uning ijrosi, shu jumladan obyektlarni qurish, rekonstruksiya qilish va kapital ta'mirlash ishlari, avtomototransport vositalarini sotib olish xarajatlariga oid ma'lumotlar.

2023-yil I choragida Statistika agentligi faoliyati hamda sohaga doir qabul qilingan me'yoriy-huquqiy hujjatlarning ijrosi va tahliliga qaratilgan turli uchrashuv va konferensiyalar tashkil etildi. Ularda keng jamoatchilik vakillari va ommaviy axborot vositalari xodimlari ishtirok etib, o'zlarini qiziqtirgan savollariga atroflicha javob olishdi.

2023- yilning 9- yanvar kuni O'zbekiston Respublikasi Oliy Majlisi Senatining Xotin-qizlar va gender tenglik masalalari qo'mitasida O'zbekiston Respublikasi Prezidenti huzuridagi Statistika agentligi mutaxassislari tomonidan gender statistikasi veb-sayti va boshqa axborot manbalari bo'yicha [taqdimot qilindi](#). Qo'mita yig'ilishida senatorlar, O'zbekiston Respublikasi Prezidenti huzuridagi Statistika agentligi vakillari, manfaatdor vazirlik va idoralar, qo'mita huzuridagi ekspert guruhi a'zolari, xalq deputatlari mahalliy kengashlarning Yoshlar siyosati, xotin-qizlar va gender tenglik masalalari bo'yicha komissiya raislari, Yoshlar parlamenti a'zolari hamda ommaviy axborot vositalari xodimlari ishtirok etdi.

Joriy yilning 25- yanvar kuni Statistika agentligida 2022- yil yakunlari bo'yicha qo'mitaning kengaytirilgan Hay'at yig'ilishi [o'tkazildi](#). Unda Statistika agentligi rahbariyati, Kadrlar malakasini oshirish va statistik tadqiqotlar instituti rahbariyati, qo'mitaning tarmoq va hududiy statistika boshqarmalari boshliqlari hamda masofaviy videoaloqa orqali hududiy statistika boshqarmalari xodimlari qatnashdi.

Statistika agentligi Jamoatchilik kengashi tashabbusi bilan 2023-yil I choragida yurtimizdagi nufuzli oliy ta'lim dargohlarida doimiy tarzda uztovlar va talabalar bilan davra suhbatlari tashkil etildi. Jumladan, 2023- yil 10-mart kuni

Toshkent davlat agrar universitetida O'zbekiston Respublikasi Prezidenti huzuridagi Statistika agentligi tomonidan davra suhbatini [tashkil etildi](#).

Termiz davlat [universiteti](#), Toshkent moliya [instituti](#), Samarqand iqtisodiyot va servis [institutarida](#) uzoqlar va talabalar bilan turli yo'nalishlarda davra suhbatlari tashkil etildi.

Shuningdek, 2023- yilning 21- fevral kuni O'zbekiston Respublikasi Prezidenti huzuridagi Statistika agentligida Chirchiq davlat pedagogika universiteti professor-o'qituvchilari, talabalar va jurnalistlar uchun [press-tur tashkil etildi](#). Toshkent viloyati Chirchiq davlat pedagogika universiteti rektori, O'zbekiston Respublikasi Fan arbobi Muhamedov G'ofurjon Isroilovich boshchiligida universitet professor-o'qituvchilari, talabalar va ilmiy izlanuvchilar uchun statistik ma'lumotlarni shakllantirish metodologiyasi borasida ma'lumot berish uchun tegishli tarmoq boshqarmalarining ish faoliyati bilan tanishildi. Ochiq muloqot yakunida Agentlik va universitet o'rtasida hamkorlikda amalga oshiriladigan **memorandum** imzolandi.

2023- yil 17-fevral kuni O'zbekiston Respublikasi Prezidenti huzuridagi Statistika agentligi tomonidan Toshkent shahri Mirobod tumani Ziyonur mahallasida joylashgan 31-maktab o'quvchilari bilan [uchrashuv tashkil etildi](#).

Mazkur o'tkazilgan tadbirlarida Statistika agentligi tomonidan amalga oshirilayotgan ishlar, qo'mita tomonidan shakllantirilayotgan mamlakatimizning muhim ijtimoiy-iqtisodiy ko'rsatkichlari, aholini ro'yxatga olish, multiindikator klasster kuzatuvlari, gender statistikasi, barqaror rivojlanish maqsadlari, sanoat statistikasi, qishloq xo'jaligini ro'yxatga olish kabi masalalar hamda statistik ma'lumotlarning ochiqligi hamda xalqaro tashkilotlar bilan hamkorlikdagi vazifalar haqida ma'lumotlar berildi.

Statistika agentligining nufuzli reyting va indekslarda qayd etilayotgan natijalar borasida oliy ta'lim dargohlarida bilim olayotgan talabalarga atroflicha ma'lumot berib, talabalarning savollariga javob berish amaliyotini yo'lga qo'yishdi. Bu jarayonlar ham bevosita jamoatchilik bilan aloqalar, ularning fikr va takliflari bilan ish olib borishning bir yo'nalishidir.

Statistika agentligi faoliyati haqida jamoatchilik fikrini doimiy monitoring qilish hamda mavjud statistika ma'lumotlari haqida jamoatchilikning xabardorligini, ularning statistika ma'lumotlariga bo'lgan ishonchini oshirish uchun foydalanuvchilar bilan yaqindan aloqa o'rnatish maqsadida turli so'rovnomalar o'tkazib kelinmoqda. Jumladan, qo'mita rasmiy veb-sayti hamda qo'mitaning ijtimoiy tarmoqlardagi rasmiy sahifalarida so'rovnomalar o'tkazilib, ularning natijalari tahlil qilib borilmoqda.

Xodimlar o'rtasida ma'naviy-ma'rifiy tadbirlar tashkil etish, ularning kitobxonlik saviyasini oshirishga qaratilgan qator tadbirlar tashkil etilmoqda.

Tadbirlarga taniqli shoirlar, yozuvchilar va Respublika ma'naviyat va ma'rifat markazidan mutaxassislar jalb etilib, turli ma'naviy tadbirlar hamda uchrashuvlar tashkil etilib, xodimlarni qiziqtirgan savollariga atroflicha javob berib borilmoqda.

Joriy yilning 7-mart kuni O'zbekiston Respublikasi Prezidenti huzuridagi Statistika agentligida Ma'naviyat va ma'rifat kengashi va Kasaba uyushma qo'mitasi tomonidan 8-mart – Xalqaro xotin-qizlar kuni munosabati bilan ayollar uchun bayram tadbiri [tashkil etildi](#).

Shuningdek, 21-mart – Navro'z umumxalq bayrami arafasida Agentlik xodimlari ishtirokida umumxalq xayriya hashari hamjihatlikda [o'tkazildi](#).

Statistika agentligi xodimlari tashkil etilayotgan turli loyiha va aksiyalarda faol ishtirok etib kelishmoqda. Jumladan, joriy yilning 22-fevral kuni O'zbekiston Respublikasi Favqulodda vaziyatlar vazirligi Akademiyasi huzuridagi Fuqaro muhofazasi institutida O'zbekiston Respublikasi Prezidenti huzuridagi Statistika agentligi Markaziy apparati boshqarma boshliqlari bilan ham "Turli xususiyatli favqulodda vaziyatlarning oldini olish hamda sodir bo'lganda to'g'ri harakat qilish" mavzusida zamonaviy axborot kommunikatsiya texnologiyalari keng qo'llanilgan innovatsion interaktiv xonalarda amaliy mashg'ulotlar [o'tkazildi](#).

Joriy yilning 1- mart kuni O'zbekiston Respublikasi Prezidenti huzuridagi Statistika agentligida gender statistikasini yuritish masalasida [tadbir tashkil etildi](#). Unda Statistika agentligi xodimlari, tegishli vazirlik va idoralar vakillari ishtirok etishdi.

Ta'kidlash lozimki, 2023-yil 28-fevral kuni Milliy matbuot markazida "Statistika ishlari dasturi doirasida 2022-yilda amalga oshirilgan ishlar hisoboti" mavzusida [matbuot anjumani o'tkazildi](#). Tadbirda O'zbekiston Respublikasi Prezidenti huzuridagi Statistika agentligi rahbariyati, boshqarma boshliqlari, Kadrlar malakasini oshirish va statistik tadqiqotlar instituti vakillari, ommaviy axborot vositalari xodimlari va blogerlar ishtirok etdi.

O'zbekiston Respublikasi Prezidenti huzuridagi Statistika agentligining Kadrlar malakasini oshirish va statistik tadqiqotlar instituti jozibadorligini oshirish va kreativ yondashuvlar asosida zamonaviy talablardan kelib chiqqan holda yangi logotipini yaratish maqsadida [tanlov e'lon qilingan edi](#).

Mazkur tanlovga arizalar 2023 yil 27-yanvardan 7-fevralgacha qabul qilindi. Tanlovda fuqaroligidan qat'iy nazar 16 yoshga to'lgan jismoniy shaxslar, professional reklama kompaniyalari va agentliklarning vakillari ishtirok etdi va o'z loyihalarini taklif etishdi. Loyihalar tanlovning rasmiy elektron pochta (tanlov@stat.uz) orqali qabul qilindi. Tanlovga jami 7 ta ariza kelib tushdi. Tanlovga kelib tushgan har bir ariza va taklif etilgan loyihalar tanlov ishchi

guruhi tomonidan tanlov nizomlarining talablari asosida birma-bir ko'rib chiqilganligi ta'kidlab o'tildi.

G'oliblarni aniqlashda har bir loyiha uchun tanlov ishchi guruhi a'zolari tomonidan qo'yilgan ballarni umumlashtirish va eng yuqori ball to'plagan loyihani g'olib deb topish tamoyilidan kelib chiqib tanlandi. Tanlov natijalariga ko'ra eng yaxshi logotip loyihasi nominatsiyasida **“MINIM DSGN” MCHJ** tomonidan taqdim etilgan loyiha [tanlov g'olibi deb topildi.](#)

Shu yil mart oyida Statistika agentligi delegatsiyasi Birlashgan Millatlar Tashkiloti (BMT) Statistika komissiyasining [54-sessiyasida ishtirok etdi.](#) Sessiya doirasida delegatsiya BMT Statistika departamenti direktori Stefan Shvaynfest, Osiyo va Tinch Okeani bo'yicha Iqtisodiy va ijtimoiy komissiyasi (OTOIHK) statistika qo'mitasi direktori Reychl Biven, MDH Davlatlararo statistika qo'mitasi (K.E.Laykam), Islom mamlakatlari uchun statistik, iqtisodiy va ijtimoiy tadqiqotlar va o'quv markazi (SESRIC) direktori (Nebil Dabur), YuNISEF Bosh ofisi rahbariyati (Mark Xerevard va Attila Xandjioglu) bilan uchrashildi (***ma'lumot uchun: Birlashgan Millatlar Tashkilotining Statistika Komissiyasi, 1947 yilda tuzilgan bo'lib, global statistika tizimining eng yuqori organi hisoblanadi. U butun dunyodan BMTga a'zo davlatlarning statistika idoralari rahbarlarini birlashtiradi.***).

Shu o'rinda agentlik tomonidan nufuzli xorijiy tashkilot vakillari bilan tashkil etilgan tadbirlar haqida qisqacha to'xtalib o'tsak:

2023- yilning 6- fevral kuni O'zbekiston Respublikasi Prezidenti huzuridagi Statistika agentligida Xalqaro valyuta jamg'armasi texnik yordam missiyasining milliy hisoblar statistikasi bo'yicha vakili Levan Gogoberishvili bilan uchrashuv [o'tkazildi.](#)

2023- yilning 17- fevral kuni Statistika agentligida “Whiteshield Partners” konsalting tashkiloti vakillari bilan uchrashuvi [bo'lib o'tdi.](#)

2023- yilning 6–17- fevral kunlari Avstriyaning Vena shahrida Xalqaro valyuta jamg'armasi hamda Birlashgan Vena instituti tomonidan “Moliyaviy dasturlash va siyosat” mavzusida tashkil etilgan o'quv seminari [bo'lib o'tdi.](#) Mazkur xalqaro seminarda Statistika agentligining Makroiqtisodiy indikatorlar va milliy hisoblar boshqarmasi Jamg'arma va yordamchi hisoblar bo'limi boshlig'i o'rinbosari Mahmuda Yunusova hamda Xarajatlar va ishlab chiqarish statistikasi bo'limi bosh mutaxassisi Gulnora Rahmatullayeva qatnashdi.

2023- yilning 20- fevral kuni O'zbekiston Respublikasi Prezidenti huzuridagi Statistika agentligida BMTning Bolalar jamg'armasi vakolatxonasi (UNICEF) rahbari bilan kelgusida hamkorlikni muhokama qilish maqsadida uchrashuv [o'tkazildi.](#)

Joriy yilning 21-fevral kuni O'zbekiston Respublikasi Prezidenti huzuridagi Statistika agentligida Birlashgan Millatlar Tashkilotining oziq-ovqat va qishloq xo'jaligini ro'yxatga olish (FAO) bo'yicha vakili Georgiy Kvinikadze bilan uchrashuv [tashkil etildi](#).

Joriy yilning 10-mart kuni O'zbekiston Respublikasi Prezidenti huzuridagi Statistika agentligida Yaponiya xalqaro hamkorlik agentligining (JICA) O'zbekiston Respublikasidagi vakolatxonasi rahbari bilan ikki tomonlama hamkorlik masalalarini muhokama qilish maqsadida uchrashuv [tashkil etildi](#).

2020- yilning 1- iyun kuni O'zbekiston Respublikasi Prezidenti Shavkat Mirziyoyev rahbarligida milliy statistika sohasini takomillashtirish chora-tadbirlari bo'yicha o'tkazilgan yig'ilishda kadrlar masalasiga alohida to'xtalib, statistika tizimining barcha mutaxassis kadrlarini o'qitish, malakasini oshirish yuzasidan topshiriqlar berilgan edi. Shundan kelib chiqib, 2023- yilning 8- fevral kuni O'zbekiston Respublikasi Prezidenti huzuridagi Statistika agentligi markaziy apparatida faoliyat yuritib, ilmiy ish qilayotgan mustaqil tadqiqotchilar uchun seminar [o'tkazildi](#). Ma'lumot o'rnida aytish kerakki, ayni paytgacha Statistika agentligi markaziy apparatida faoliyat yuritgan **3 nafar xodim** iqtisod fanlari falsafa doktori (PhD) ilmiy darajasini oldi. Hozirda yana **24 nafar xodim** mustaqil tadqiqotchi sifatida ilmiy izlanish olib bormoqda.

Statistika agentligi xodimlari va ularning oilalarini uy-joy, ijtimoiy-maishiy, xizmat shart-sharoitlarini, ularga malakali tibbiy yordam ko'rsatish sharoitlarini yaxshilashda, shuningdek, ishdan bo'shatilgan yoki zaxiraga olingan xodimlarni ijtimoiy va kasbiy moslashtirish muammolarini hal etishga ko'maklashish borasida, doimiy tarzda faol va samarali mehnat qilayotgan kadrlar har tomonlama qo'llab-quvvatlanib, ularga xizmat uylaridan foydalanishlari uchun imkoniyat va sharoitlar yaratilmoqda.

Tizimda uzoq yillar davomida samarali faoliyat yuritgan keksalar holidan xabar olinib, ularga moddiy-ma'naviy ko'mak berilmoqda. Yil davomida har bir bayramlarda ularning uylariga tashrif buyurib, ularga oziq-ovqat mahsulotlari yetkazib berilmoqda. Bevosita bu jarayonlar haqida keng jamoatchilikni xabardor qilish maqsadida, qo'mitaning rasmiy veb-sayti va ijtimoiy tarmoqlardagi rasmiy sahifalarida xabarlar berib borilmoqda.

Statistika agentligi, uning hududiy bo'linmalari va tasarrufidagi tashkilotlarida sog'lom ishchanlik muhitini rivojlantirish, qonuniylikni, yuksak huquqiy madaniyat va axloqiylikni ta'minlash, ommaviy sportni targ'ib etish yuzasidan ham tizimli ishlar amalga oshirilmoqda. Jumladan, har hafta doimiy tarzda turli sport musobaqalari [tashkil etilmoqda](#).

Jamoatchilik kengashi Statistika agentligi faoliyatini ommaviy axborot vositalarida yoritish bo'yicha bajarilayotgan ishlarning natijalarini tahlil qiladi,

ularning samaradorligini oshirish va mavjud kamchiliklarni bartaraf etish yuzasidan takliflar ishlab chiqadi. Bu borada qilingan ishlarga to'xtaladigan bo'lsak, 2023-yil I choragida Axborot xizmati tomonidan qo'mita faoliyati va statistik ko'rsatkichlarni keng jamoatchilikka yoritish maqsadida quyidagilar amalga oshirildi:

- Agentlik rahbariyati ishtirokida doimiy tarzda ommaviy axborot vositalari uchun [matbuot anjumanlari](#) tashkil etilmoqda;
- nufuzli oliy ta'lim muassasalarida talabalar ishtirokida [ochiq muloqot va davra suhbatlari](#) o'tkazilmoqda;
- Agentlik rahbariyati va mutaxassislarining tahliliy maqolalari [gazeta va jurnallarda](#) yoritib borilmoqda;
- qiziqarli statistik ma'lumotlar asosida [infografika roliklari](#) tayyorlanib, respublika telekanallarida efirga uzatilib kelinmoqda;
- Agentlikning, Axborot xizmati rahbarining va qo'mita raisining ijtimoiy tarmoqlardagi rasmiy sahifalarida har kuni doimiy tarzda 20 dan ortiq statistik ma'lumotlar va yangiliklar yoritilmoqda;
- Agentlikning [rasmiy veb-sayti](#)da haftaning 5 kuni mobaynida doimiy ravishda 100 tadan ortiq yangiliklar joylashtirmoqda;
- foydalanuvchilar uchun oylik, choraklik va yillik tahliliy [press-relizlar](#), dokladlar 3 tilda e'lon qilinmoqda;
- Agentlikning [rasmiy veb-sayti](#) hamda [telegram](#) kanallari, [facebook](#) sahifalarida foydalanuvchilarning murojaatlariga javob berib borilmoqda;
- har kuni eng ommabop telegram kanallari va Internet saytlari uchun alohida qiziqarli qisqa topiklar tayyorlanib, keng jamoatchilikka tezkorlik bilan yetkazilishi ta'minlanmoqda;
- domiy tarzda tashkil etiladigan matbuot anjumanlari, ochiq muloqotlar va davra suhbatlari jarayonlari facebookda onlayn yoritilmoqda;
- Axborot xizmati doimiy tarzda OAV xodimlari, jurnalistlar va blogerlarning savol va murojaatlariga o'z vaqtida javob qaytarib kelmoqda.

Jamoatchilik kengashi yig'ilishi kun tartibidagi 1-masala yuzasidan kengash a'zolari qaror qiladi:

1. Jamoatchilik kengashi raisi Y. Abdullayevning 2023-yil I choragi yakuni bo'yicha kengash faoliyatiga doir hisoboti ma'lumot uchun qabul qilindi.
2. Statistika agentligi tizimida huquqiy ong va huquqiy madaniyatni oshirish, ochiqlik va shaffoflikni ta'minlash bo'yicha tegishli takliflar ishlab chiqilsin.

3. Jamoatchilik kengashi tomonidan xodimlar malakasini oshirish bo'yicha tashkil etilayotgan turli tadbir, seminar hamda o'quv kurslarini OAVda keng yoritish ta'minlansin.

II. “2023-yil uchun Statistika dasturi” doirasida 2023- yil I chorak yakuni bo'yicha bajarilgan ishlar to'g'risida A. Ikramovning hisoboti eshitildi.

Statistika dasturi O'zbekiston Respublikasi Vazirlar Mahkamasining 2023-yil 27-fevraldagi “2023- yil uchun Statistika dasturini tasdiqlash to'g'risida”gi 80-son qarori bilan tasdiqlangan.

Dasturga muvofiq 2023- yilning yanvar–mart oylarida jami 796 ta statistika ishlari belgilangan muddatlarda va to'liq hajmda bajarildi, shundan 470 tasi Statistika agentligi va uning organlari tomonidan, 226 tasi rasmiy statistikaning boshqa tayyorlovchilari tomonidan va 163 tasi boshqa vazirlik, idora va tashkilotlar tomonidan bajarildi.

Statistika agentligi tomonidan, iqtisodiyot sohalari hamda tarmoqlari rivojlanishi maqsadli kompleks dasturlari monitoringi uchun doimiy ravishda miqdoriy ko'rsatkichlar shakllantirib borildi, hududlar hamda iqtisodiyot tarmoqlari rivojlanishi holatini kompleks tavsiflovchi tahliliy-statistika ma'lumotlari har oyda Hukumatga taqdim etib borildi.

Shuningdek, 2022-yilning yanvar-dekabr davri uchun O'zbekiston Respublikasining ijtimoiy-iqtisodiy rivojlanishining dastlabki yakunlari bo'yicha statistika ma'lumotlari tayyorlanib, O'zbekiston Respublikasi Prezidenti Administratsiyasi, Vazirlar Mahkamasi, Iqtisodiy taraqqiyot va kambag'allikni qisqartirish vazirligi, Moliya vazirligi, Markaziy bank hamda boshqa vazirlik va idoralarga taqdim etildi.

2022- yilning yanvar-dekabr oylari yakunlari bo'yicha “O'zbekiston Respublikasining ijtimoiy-iqtisodiy holati” axborotnomasi o'zbek, rus va ingliz tillarida chop etilib, O'zbekiston Respublikasi Prezidenti Administratsiyasi, Vazirlar Mahkamasi hamda tegishli vazirlik va idoralarga yuborildi.

Shu bilan birga, 2023- yil yanvar, yanvar-fevral davrlari uchun “O'zbekiston Respublikasining ijtimoiy-iqtisodiy holati” statistik risolasi 2 tilda (o'zbek, rus) chop etilib, belgilangan ro'yxat asosida O'zbekiston Respublikasi Prezidenti Administratsiyasi, Vazirlar Mahkamasi hamda tegishli vazirlik va idoralarga taqdim etildi.

Statistika dasturiga muvofiq bajarilgan ishlar natijalariga ko'ra shakllantirilgan ochiq statistika ma'lumotlari, axborotnomalar, to'plamlar, press-revizlar ko'rinishida hamda ommaviy axborot vositalari, rasmiy veb-saytlar va ijtimoiy tarmoqlar orqali muntazam ravishda milliy va xorijiy foydalanuvchilar e'tiboriga yetkazib berildi.

Xususan, Agentlikning ijtimoiy tarmoqlardagi rasmiy Telegram kanalida **3533 ta**, Facebook sahifasida **3533 ta** va Instagram sahifasida **86 ta** yangiliklar e'lon qilindi, infografika roliklari Agentlikning Youtube kanalidagi rasmiy sahifasida joylashtirib borildi.

Shuningdek, **14 ta** infografika roliklari hamda statistika faoliyatiga oid **106 ta** lavhalar "O'zbekiston 24", "O'zbekiston", "O'zreport" telekanallarida doimiy tarzda e'firga uzatilib kelinmoqda.

Statistika agentligi rasmiy veb-saytining "Rasmiy statistika" bo'limida makroiqtisodiy ko'rsatkichlar, milliy hisoblar, narx va indekslar, sanoat, qishloq xo'jaligi, aholi turmush darajasi va boshqa qator statistika yo'nalishlari bo'yicha **418 ta** statistika ma'lumotlari to'plamlari e'lon qilindi.

«Халқ сўзи», «Народное слово», «Янги Ўзбекистон», «Правда Востока», "Iqtisodiy gazeta", "Birja", "Ishonch" va boshqa nashrlarda statistika ko'rsatkichlari aks etgan **10 dan** ortiq materiallar chop etildi.

Xalqaro statistika amaliyoti tavsiyalarini inobatga olgan holda, statistika sohasining turli yo'nalishlari bo'yicha 2023-yil yanvar-mart oylarida **5 ta** yangi uslubiy qo'llanmalar ishlab chiqildi.

Statistika ma'lumotlari sifatini oshirish borasida hisobot topshiruvchi subyektlar o'rtasida profilaktika tadbirlari amalga oshirilmoqda. Jumladan, 2023- yil yanvar-mart oylarida respublikaning barcha hududlarida **28,9 mingta** respondentlarga tushuntirishlar, **23,6 mingta** yangi tashkil etilgan respondentlar profilaktika tadbirlari davomida qamrab olindi, **41,9 mingdan** ortiq bukletlar tarqatildi va **3872 marta** ommaviy axborot vositalarida chiqishlar tashkil etildi.

Ochiq ma'lumotlar portali faoliyatini takomillashtirish, ma'lumotlar sifatini oshirish va ko'lamini kengaytirish borasida amalga oshirilgan ishlar natijasida, portalda e'lon qilinayotgan ma'lumotlar to'plamlari soni **4 ming 500 dan** oshdi.

Jumladan, Statistika agentligi tomonidan portalda e'lon qilinayotgan statistika ma'lumotlari to'plamlari soni **2198 tani** tashkil qildi.

Statistika agentligi huzuridagi Kadrlar malakasini oshirish va statistik tadqiqotlar institutida tizim xodimlarini qayta tayyorlash va malakasini oshirish dasturiga asosan 2023- yil yanvar-mart oylarida **8 ta** o'quv kurslarida **354 nafar** xodimlarning malakasi oshirildi.

Institut tomonidan 2023- yilda amalga oshiriladigan statistik tadqiqotlar dasturiga muvofiq, mart oyida **2 ta** tadqiqot ishi ishlab chiqildi.

Jumladan, “Bandlikni nostandart shakli va yangi turdagi mehnat faoliyatining statistik hisobini yuritish bo‘yicha uslubiy tavsiyalar” tadqiqot ishi Demografiya va mehnat statistikasi boshqarmasiga, “O‘zbekiston Respublikasi mahsulotlarining (tovarlar, ishlar, xizmatlarning) statistik tasniflagichi (MST) asosida sanoat ishlab chiqarishining texnologik rivojlanishi darajasini statistik baholashni takomillashtirish bo‘yicha uslubiy tavsiyalar ishlab chiqish” tadqiqot ishi Sanoat statistikasi boshqarmasiga taqdim etildi.

Yuqoridagilar bilan bir qatorda, mazkur qaror doirasida “Ma‘muriy ma‘lumotlarni yetkazib beruvchilarning ma‘lumotlar bazalarini Statistika agentligining axborot tizimiga integratsiya qilish va ma‘lumotlarni taqdim etish reja-jadvali”da belgilangan ishlarni bajarilishi yuzasidan yanvar-mart oylarida quyidagi ishlar amalga oshirildi.

Korxonalar va tashkilotlarning moliya-xo‘jalik faoliyatining asosiy ko‘rsatkichlari bo‘yicha yillik ma‘lumotlarni hamda korxonaning boshqa oylik ma‘lumotlarini (xodim soni, hisoblangan ish haqi va hokazo) integratsiya orqali har oyda Statistika agentligiga taqdim etishni yo‘lga qo‘yish bo‘yicha Iqtisodiyot va moliya vazirligi huzuridagi Soliq qo‘mitasi bilan;

Tovarlar va xizmatlarning iste‘mol narxlari to‘g‘risida onlayn nazorat-kassa tizimidagi ma‘lumotlarni integratsiya orqali har oyda Statistika agentligiga taqdim etishni yo‘lga qo‘yish bo‘yicha Iqtisodiyot va moliya vazirligi huzuridagi Soliq qo‘mitasi bilan;

“Onlayn mahalla” elektron platformasidagi qishloq xo‘jaligiga oid ma‘lumotlarni integratsiya orqali taqdim etishni yo‘lga qo‘yish bo‘yicha Kambag‘allikni qisqartirish va bandlik vazirligi huzuridagi Mahallabay ishlash va tadbirkorlikni rivojlantirish agentligi bilan;

“E-ijara” elektron platformasidagi qishloq xo‘jaligiga oid ma‘lumotlarni integratsiya orqali taqdim etishni yo‘lga qo‘yish bo‘yicha Qishloq xo‘jaligi vazirligi bilan;

Geoaxborot tizimidagi (qishloq xo‘jaligi ekinlari ekilgan asosiy va takroriy maydonlar) ma‘lumotlarni integratsiya orqali taqdim etishni yo‘lga qo‘yish bo‘yicha Qishloq xo‘jaligi vazirligi bilan;

“Tashqi savdo operatsiyalarining yagona elektron axborot tizimi” (TSOYaEAT) ma‘lumotlarini integratsiya orqali taqdim etishni yo‘lga qo‘yish bo‘yicha Investitsiyalar, sanoat va savdo vazirligi bilan;

Qurilish-montaj ishlarini bajarayotgan pudratchi va yordamchi pudratchilar, buyurtmachilar tomonidan oylik bajarilgan qurilish-montaj ishlari to'g'risidagi hamda qurilish faoliyatini amalga oshirayotgan korxonalar va tashkilotlarning o'z balansida mavjud bo'lgan qurilish mashinalari va mexanizmlari to'g'risidagi ma'lumotlarni integratsiya orqali taqdim etishni yo'lga qo'yish bo'yicha Qurilish va uy-joy kommunal xo'jaligi vazirligi bilan;

Maktabgacha ta'lim tashkiloti faoliyatining asosiy ko'rsatkichlari to'g'risidagi ma'lumotlarni integratsiya orqali taqdim etishni yo'lga qo'yish bo'yicha Maktabgacha va maktab ta'limi vazirligi huzuridagi Maktabgacha ta'lim agentligi bilan;

Tazyiq va zo'ravonlik natijasida jabrlanganlar, shuningdek, tazyiq va zo'ravonlik sodir etgan yoxud ularni sodir etishga moyil bo'lgan shaxslar to'g'risidagi ma'lumotlarni integratsiya orqali taqdim etishni yo'lga qo'yish bo'yicha Ichki ishlar vazirligi bilan;

Avtotransportda yo'l-transport hodisalari (turlari bo'yicha), mavjud hamda yangi avtotransport vositalarini ro'yxatdan o'tkazish va avtotransport vositalari soni (transport turlari, yonilg'i turlari, rusumlari, texnik ko'rik natijalariga ko'ra so'z yoki nosozligi to'g'risidagi birlamchi ma'lumotlar) to'g'risidagi ma'lumotlarni integratsiya orqali taqdim etishni yo'lga qo'yish bo'yicha Ichki ishlar vazirligi bilan;

Bojxona chegaralari orqali olib o'tilgan yuklar (transport turlari bo'yicha) hamda avtomobil transportida xalqaro yuk tashishlar to'g'risida ma'lumotlarni integratsiya orqali taqdim etishni yo'lga qo'yish bo'yicha Iqtisodiyot va moliya vazirligi huzuridagi Bojxona qo'mitasi bilan;

Avtomobil transportida yo'lovchilar va yuklarni tashish faoliyatini litsenziyalash to'g'risida va yo'nalishlar bo'yicha korxonalar va tashkilotlarning mavjud litsenziya kartochkalari to'g'risidagi ma'lumotlarni integratsiya orqali taqdim etishni yo'lga qo'yish bo'yicha Transport vazirligi bilan idoralararo ishchi guruhlarini tuzildi va texnologik yo'riqnoma loyihalari tayyorlanmoqda.

O'zbekiston Respublikasi Prezidentining 2020-yil 3-avgustdagi "O'zbekiston Respublikasining milliy statistika tizimini yanada takomillashtirish va rivojlantirish chora-tadbirlari to'g'risida"gi PQ-4796-son qarori doirasida amalga oshirilgan ishlar.

Statistika agentligi:

- har yili 1-dekabr qadar mamlakatda milliy iqtisodiyot va ijtimoiy sohani isloh qilish jarayonlarining ishonchligi va to'liqligini inobatga olgan holda ishlab chiqilgan Statistika dasturini Jamoatchilik kengashiga kelishish uchun taqdim etib bormoqda;

- har yili 1-oktabr qadar Statistika dasturining bajarilishi natijalari va statistika sohasida metodologiyani takomillashtirish hamda ishlarni tashkil

etish borasida olib borilayotgan faoliyat samaradorligi to'g'risidagi hisobotni Statistika kengashiga kiritib bormoqda.

Ushbu qaror bilan tasdiqlangan 2020-2025- yillarda O'zbekiston Respublikasi statistikasini rivojlantirishning milliy strategiyasini amalga oshirish bo'yicha "Yo'l xaritasi"ning 4-bandiga muvofiq ishlab chiqilgan (2022-y. 27. 12. 41-son qaror) Statistik ma'lumotlarning universal modeli (GSIM) statistika amaliyotiga joriy qilingan.

Shuningdek, hozirgi kunda Milliy model umumiy tuzilmasidagi bosqich va jarayonlarni tavsiflovchi uslubiy qo'llanmani (GSBPM) (2021-y. 17.12 58-son qarori) va Statistika idoralari faoliyatini boshqarishning universal modelini (GAMSO) (2022- y. 27.05. 38-son buyruq) Statistika agentligining faoliyatiga bosqichma-bosqich joriy etish choralari ko'rilmoqda.

Shu o'rinda, 2023-yilning fevral-mart oylarida agentlikning markaziy apparat boshqarmalari rahbarlari ishtirokida "Statistika faoliyatiga sifatni boshqarishning ilg'or tizimlarini (GSIM, GSBPM, GAMSO) joriy etish masalalariga bag'ishlangan seminarlar o'tkazildi.

Rasmiy statistika sohasida BMTning "Rasmiy statistikada sifatni ta'minlashning milliy tayanch prinsiplari bo'yicha qo'llanma"si (NQAF) talablari asosida sifatni boshqarish ishlarini tizimli tashkil etish maqsadida, Sifat sohasidagi siyosati ishlab chiqildi(2023- y. 27.03. 13-son buyruq).

O'zbekiston Respublikasi Prezidentining 2022- yil 10- noyabrdagi "Hisobot taqdim etish va arxiv hujjatlarini saqlash tartib-taomillarini maqbullashtirish chora-tadbirlari to'g'risida"gi PQ-419-son qarori ijrosi doirasida bekor qilingan **9** ta statistika hisobotlaridagi ma'lumotlarni vazirlik va idoralarning ma'muriy ma'lumotlari asosida shakllantirilishini ta'minlash maqsadida **14 ta** vazirlik va idoralar tomonidan taqdim etiladigan ma'muriy ma'lumotlar ro'yxati, ularni bajarish davriyligi hamda muddatlari ko'rsatilgan holda **2023-yil uchun Statistika dasturiga** kiritildi.

Bundan tashqari, 2023-yil uchun statistika hisoboti shakllarida quyidagi o'zgarishlar amalga oshirildi.

Jumladan:

- **4** ta hisobot shakllarini o'zaro birlashtirish, ma'muriy ma'lumotlarga o'tkazish va mavsumiyligini hisobga olgan holda bekor qilindi;
- **62** ta statistika hisoboti va ilovalaridagi (*jamiga nisbatan 55,4%*) ko'rsatkichlar sonini 2022- yilga nisbatan jami **3174** taga yoki **17,7%**ga qisqartirish orqali soddalashtirildi;

- **47 ta** (*jamiga nisbatan 46,9%*) hisobot shakllarining topshirish muddatlari maqbullashtirildi.

Natijada, 2023- yil uchun **98 ta** (2022- yilda 110 ta) hisobot shakllari tasdiqlandi va Adliya vazirligidan davlat ro'yxatidan o'tkazildi.

Qarorga asosan statistika hisobotlarini maqbullashtirish bo'yicha Agentlik tomonidan **29 ta** manfaatdor vazirlik hamda idoralarning malakali xodimlaridan tashkil topgan **5 ta** idoralararo ishchi guruhi tuzildi.

2022-yilning 5–13-dekabr kunlari Ishchi guruhlarining yig'ilishlari o'tkazildi va jami **30 ta** hisobot shakllari ko'rib chiqildi, natijada **22 ta (73,3%)** statistika hisobotlaridagi (*1 teatr, 1 konsert, 1 turizm, 1 muzey, 1 jismoniy tarbiya, 1 sport, 1 umumta'lim, 1 ta'lim (maktabdan tashqari), 1 o'rta ta'lim, 1 oliy ta'lim, 1 tib (ayollar), 1 tib (bolalar), 1 tib (oiv), 1 tib (vaksinatsiya), 1 tib (infeksiya), 1 tib (reabilitatsiya), 1 nogironlik, 1 film, 1 oila, 1 energiya (neftgaz), 12-korxonalar (sanoat) yillik davriylikdagi, 1-o'x*) ma'lumotlarni tegishli vazirlik va idoralarning ma'muriy ma'lumotlari asosida shakllantirilishi, **1 ta (3,4%)** statistika hisoboti (1 maktabgacha ta'lim) ma'lumotlar bazasiga integratsiya qilinishi hisobiga **bekor qilinishi** va **7 ta (23,3%)** statistika hisobotlaridagi (1 pensiya, 1 kb (akt), 4 akt, 1 energo (gaz), 1 mehnat, 4 mehnat, 1 kom (shahar) ko'rsatkichlarning qisqartirilishi hisobiga **soddalashtirish** belgilandi.

2020-yil 16-martda "Aholini ro'yxatga olish to'g'risida"gi O'zbekiston Respublikasi Qonuni, O'zbekiston Respublikasi Prezidentining 2019-yil 5- fevraldagi "O'zbekiston Respublikasida 2022- yilda aholini ro'yxatga olishni o'tkazish konsepsiyasini tasdiqlash to'g'risida"gi PF-5655-son Farmoni va Vazirlar Mahkamasining 2020- yil 11- noyabrdagi "O'zbekiston Respublikasida 2023- yilda aholini ro'yxatga olishga tayyorgarlik ko'rish va uni o'tkazish chora-tadbirlari to'g'risida"gi 710-son qarori qabul qilingan.

2023-yil yanvar-mart oylarida aholini ro'yxatga olishga puxta tayyorgarlik ko'rish bo'yicha quyidagi ishlar amalga oshirildi:

O'zbekiston Respublikasi Prezidentining Oliy Majlis va O'zbekiston xalqiga Murojaatnomasida raqamlashtirish bo'yicha berilgan topshiriqlarga muvofiq, aholini ro'yxatga olishni Internet tarmog'i orqali va planshet qurilmalaridan foydalangan holda o'tkazish yuzasidan O'zbekiston Respublikasi Prezidenti Administratsiyasiga takliflar kiritildi.

Prezident farmoni bilan tasdiqlangan 2022–2026- yillarga mo'ljallangan Yangi O'zbekistonning taraqqiyot strategiyasini "Insonga e'tibor va sifatli ta'lim yili"da amalga oshirishga oid davlat dasturida ko'rsatilgan asosiy vazifalar ijrosini ta'minlash maqsadida, aholi o'rtasida ro'yxatga olish tadbirini nechog'lik muhimligi va uni o'tkazishga fuqarolarning o'zlari ham qatnashish imkoniyatiga ega ekanligi to'g'risida targ'ibot-tashviqot ishlari olib borilmoqda.

Aholini ro'yxatga olish jarayonlarida foydalanish uchun kadastr organlari tomonidan taqdim etilgan **9357** ta mahalla xaritalarini belgilangan talablarga mosligi va sifati Agentlik mutaxassislari tomonidan birma-bir qayta ko'rib chiqildi.

O'rganish natijalariga ko'ra **1895** ta mahalla xaritalarida ayrim xonadonlarda raqamlar va aholi soni ko'rsatilmaganligi aniqlandi. Shundan hududlar bo'yicha **375** tasi Farg'ona, **293** tasi Andijon, **270** tasi Toshkent, **228** tasi Buxoro, **176** tasi Samarqand, **124** tasi Namangan, **110** tasi Surxondaryo va **96** tasi Navoiy viloyatlari hamda **87** tasi Qoraqalpog'iston Respublikasi hissasiga to'g'ri keldi.

Belgilangan talablarga mos kelmagan ushbu mahalla xaritalari kadastr organlariga taqdim etilib, xaritalarni yangilash ishlari davom ettirilmoqda. Shuningdek, raqamlanmagan uylar va xonadonlarni raqamlash va nomi o'zgargan ko'chalarga yangi nom belgilarini o'rnatish bo'yicha mahalliy hokimliklar tomonidan amalga oshirilayotgan ishlar muvofiqlashtirib borilmoqda.

Raqamlanmagan uy va xonadonlar hamda nomi o'zgargan ko'chalarga yangi nom belgilarini o'rnatish bo'yicha mahalla raislari va faollari bilan joyiga chiqqan holda o'rganilib, xaftalik ma'lumotlar shakllantirib borilmoqda. Registratorlar tomonidan o'rganishlar natijasida aniqlangan jami **1,4** mln.ta raqamsiz uylardan **29,9** mingta uylar joyiga chiqib o'rganildi. O'rganish natijasida bor-yo'g'i **7,3** ming uylar raqamlangani ma'lum bo'ldi, bu o'rganilgan uylarning **24,5** foizini tashkil etadi.

Bundan tashqari, sinov tariqasida aholini ro'yxatga olish natijalari va xalqaro ekspertlarning taklif va tavsiyalari asosida Agentlik mutaxassislari tomonidan quyidagi normativ va uslubiy hujjatlarni takomillashtirish bo'yicha hujjat loyihalari tayyorlandi:

- O'zbekiston Respublikasida 2024-yilda aholini ro'yxatga olishga tayyorgarlik ko'rish va uni o'tkazish tartibi to'g'risida nizom;

- O'zbekiston Respublikasida 2024-yilda aholini ro'yxatga olishning tuman va shaharlar bo'yicha tashkiliy rejasini tuzish tartibi;

- O'zbekiston Respublikasida 2024-yilda aholini ro'yxatga olishning dasturi va O'zbekiston Respublikasida 2024-yilda aholini ro'yxatga olishning savolnoma varag'i shakllari;

- O'zbekiston Respublikasida 2024-yilda aholini ro'yxatga olish varag'i shakllarini to'ldirish bo'yicha yo'riqnoma;

- Planshet qurilmalari yordamida aholini ro'yxatga olish bo'yicha qo'llanma;

- O'zbekiston Respublikasida 2024-yilda aholini ro'yxatga olish jarayonlariga jismoniy va yuridik shaxslarni jalb etish va ularga haq to'lash tartibi to'g'risida nizom.

Shu bilan birga, 2023-yil fevral oyida aholini ro'yxatga olishga oid normativ-huquqiy va uslubiy hujjatlarning mazmun-mohiyati bo'yicha bilim va ko'nikmalarini oshirish maqsadida hududiy statistika boshqarmalarining Ro'yxatga olish jarayonlarini tashkil etish va o'tkazish bo'limi xodimlari test sinovlaridan o'tkazildi. Test sinovlarida yetarli ball to'play olmagan xodimlarga o'z ustida ishlashlari va bilimlarini doimiy oshirib borishlari bo'yicha ko'rsatma va topshiriqlar berildi.

Jamoatchilik kengashi yig'ilishi kun tartibidagi 2-masala yuzasidan kengash a'zolari qaror qiladi:

1. Statistika agentligi raisi o'rinbosari A. Ikramovning "2023- yil uchun Statistika dasturi" loyihasi doirasida bergan hisobotidagi chora-tadbirlarning amaliyotga joriy etilishi ta'minlansin.

2. Statistika agentligiga 2023- yil I choragida jismoniy va yuridik shaxslardan kelib tushgan murojaatlar yuzasidan kelgusida bajarilishi lozim bo'lgan ishlar bo'yicha aniq rejalar ishlab chiqilsin.

3. Aholini ro'yxatga olish tadbirlariga puxta hozirlik ko'rish va jarayonni keng jamoatchilikka yetkazish bo'yicha tegishli chora-tadbirlar ishlab chiqilsin.

III. Xalqaro hamkorlik va axborot almashinuvi bo'yicha amalga oshirilayotgan ishlar bo'yicha Z. Ziyayevning hisoboti eshitildi.

O'zbekiston Respublikasi Prezidenti huzuridagi Statistika agentligi xalqaro tashkilotlar bilan sohani rivojlantirish, ilg'or tajribalar va zamonaviy uslubiy tavsiyalarni amaliyotga joriy etish yuzasidan yaqindan hamkorlik qilib, mamlakat ko'rsatkichlarini xalqaro axborot bazalarida aks ettirish yuzasidan axborot almashinuvi bo'yicha hamkorlik aloqalarini samarali yo'lga qo'ygan.

Xususan, 2023- yilning yanvar-mart oylarida xalqaro tashkilotlarning **10 ta** savolnomalari, jumladan, BMT Statistika bo'limining **1 ta**, YUNESKO statistika institutining **1 ta**, MDH Davlatlararo Statistika qo'mitasining **2 ta**, Osiyo taraqqiyot bankining **1 ta**, Xalqaro avtomobil yo'llari federatsiyasining **1 ta** va boshqa xalqaro tashkilotlarning **5 ta** savolnomalari to'ldirilib, taqdim etildi.

Bundan tashqari, **3 ta** xalqaro ma'lumotlar bazalaridagi, xususan XVJning kengaytirilgan Ma'lumotlarni tarqatishning umumiy tizimi doirasida, MDH va "COMTRADE" ma'lumotlar bazalarida O'zbekistonning statistika ko'rsatkichlari o'z vaqtida yangilandi.

Jumladan, tovarlar savdosi bo'yicha BMTning "COMTRADE" axborot bazasida **3585 ta** tovar turlari bo'yicha O'zbekiston Respublikasi ma'lumotlarini har oyda yangilab borilishi ta'minlandi.

XVJning kengaytirilgan Ma'lumotlarni tarqatishning umumiy tizimi (e-GDDS) doirasida statistik ko'rsatkichlar **5 ta** kategoriya (toifa) bo'yicha har oyda, **4 ta** kategoriya (toifa) bo'yicha har chorakda muntazam yangilab borilmoqda.

Bundan tashqari, XVJning kengaytirilgan Ma'lumotlarni tarqatishning umumiy tizimidan (e-GDDS) Ma'lumotlarni tarqatishning maxsus standartiga (SDDS) o'tish yuzasidan zarur tadbirlar amalga oshirilmoqda.

Barqaror rivojlanish sohasidagi milliy maqsad va vazifalarni amalga oshirish yo'nalishida monitoringni yo'lga qo'yish masalalarida:

O'zbekiston Respublikasi Vazirlar Mahkamasining 2022-yil 21-fevraldagi "2030-yilgacha bo'lgan davrda barqaror rivojlanish sohasidagi milliy maqsad va vazifalarni amalga oshirishni jadallashtirish bo'yicha qo'shimcha chora-tadbirlar to'g'risida" 83-son qarori qabul qilingan.

Ushbu qarorning 1-ilovasi bilan 2030-yilgacha bo'lgan davrda barqaror rivojlanish sohasidagi milliy maqsad va vazifalari sifatida O'zbekiston uchun dolzarb hisoblangan **16 ta** milliy maqsad va BRMning **126 ta** milliy vazifalar ro'yxati tasdiqlandi.

*Ma'lumot uchun: Global miqyosda **17 ta** maqsad **169 ta** vazifa va **232 ta** indikator tasdiqlangan.*

Shuningdek, mazkur qarorning 2-ilova bilan tasdiqlangan, 2022–2026-yillarda barqaror rivojlanish sohasidagi milliy maqsad va vazifalarga samarali erishish bo'yicha chora-tadbirlar rejasi ijrosini ta'minlash maqsadida, Statistika agentligi hamda Barqaror rivojlanish maqsadlarining milliy indikatorlari bo'yicha idoralararo ishchi guruhi tomonidan quyidagi ishlar amalga oshirildi:

1. MBRMning raqamlarda aks etuvchi jami **77 ta** indikator bo'yicha 2022-yildan 2030-yilgacha bo'lgan davrlar uchun dastlabki maqsadli ko'rsatkichlari shakllantirilib, 2030-yilgacha bo'lgan davrda barqaror rivojlanish sohasidagi milliy maqsad va vazifalarni amalga oshirish bo'yicha muvofiqlashtiruvchi kengashga tasdiqlash uchun kiritildi va Kengash tomonidan tasdiqlandi.

2. Birlashgan Millatlar Tashkiloti Taraqqiyot dasturining O'zbekistondagi vakolatxonasi mas'ullari bilan hamkorlikda, Bangkok (Tayland) shahrida joylashgan Osiyo va Tinch okeani iqtisodiy va ijtimoiy komissiyasi(ESCATO)ning SDG Tracker platformasini yuritilishiga mas'ul bo'lgan xalqaro ekspertlari bilan aloqalar o'rnatilib, videokonferensaloqa orqali masofaviy tarzda uchrashuvlar tashkil etildi.

Uchrashuvlar natijalariga ko'ra, SDG Tracker platformasida O'zbekiston Respublikasi sahifasi ochildi hamda O'zbekiston Respublikasining milliy barqaror rivojlanish maqsadlari indikatorlari yuritilishi amaliyoti joriy etildi.

3. Statistika agentligi, manfaatdor vazirlik va idoralar bilan hamkorlikda **10** ta indikator global ko'rsatkichlar tizimida mavjud emasligini inobatga olgan holda Milliy BRM indikatorlari ro'yxatidan chiqarib tashlash, shuningdek, BMT Statistika Komissiyasi tomonidan tavsiya etilgan BRM global indikatorlari tizimi asosida **35** ta Milliy BRM indikatorlarni qayta ko'rib chiqish va BMT Statistika Komissiyasi tomonidan tavsiya etilgan global indikator matni asosida Milliy BRM indikatorlarini qabul qilish taklifi Kengashga kiritildi.

4. Statistika agentligi tomonidan umumlashtirilgan 2030-yilgacha bo'lgan maqsadli ko'rsatkichlari (**77** ta indikator) Kengashning (29.04.2022-yil 02/1-1261-son) 1-son qarori bilan 1-ilovaga muvofiq tasdiqlandi;

- global indikatorlar ro'yxatida mavjud bo'lmagan (**10** ta indikator) Milliy BRM indikatorlarni tegishli tartibda 2-ilovaga muvofiq chiqarib tashlandi;

- global indikatorlar tizimidan kelib chiqqan holda Milliy BRM indikatorlar ro'yxatiga (**35** ta indikator) 3-ilovaga muvofiq tegishli tartibda qo'shimcha o'zgartirishlar kiritildi;

- O'zbekiston uchun dolzarb hisoblangan Milliy BRM indikatorlar ro'yxati (**190** ta indikator) 4-ilovaga muvofiq tasdiqlandi.

*Ma'lumot uchun: Tasdiqlangan **190** ta milliy BRM indikatorlarining **152 tasi** global BRM indikatorlari bilan to'liq mos keladi, **28 tasi** proksi indikator va **10 tasi** milliy indikator hisoblanadi.*

5. Statistika agentligi tomonidan manfaatdor vazirlik va idoralar bilan hamkorlikda **125** ta Milliy BRM indikatorlari bo'yicha ma'lumotlar shakllantirilib Milliy BRM veb-sayti (www.nsdg.stat.uz)ga joylashtirildi.

6. Statistika agentligi tomonidan O'zbekiston Respublikasida Milliy barqaror rivojlanish maqsadlariga erishish bo'yicha yillik statistik to'plami o'zbek, rus va ingliz tillarida 2019-yildan boshlab har yili nashr etilib vazirlik va idoralar hamda O'zbekiston Respublikasida faoliyat yuritayotgan xalqaro tashkilotlarga taqdim etib borilmoqda, shuningdek, ushbu to'planning elektron shakli <http://nsdg.stat.uz> veb saytiga joylashtirib kelinmoqda. Milliy BRM

bo'yicha statistik to'planning ingliz tilidagi shakli BMTning Yevropa iqtisodiy komissiyasi rasmiy veb-saytida MDH davlatlari orasida birinchi bo'lib e'lon qilindi.

Barqaror rivojlanish maqsadlari indikatorlari sifatini ta'minlashda, Birlashgan Millatlar Tashkilotining rasmiy statistika sifatini ta'minlashning milliy asosiy tamoyillariga muvofiq amalga oshirib, xalqaro tavsiyalar asosida takomillashtirib borilmoqda.

Birlashgan Millatlar Tashkilotining Statistika bo'limining veb sahifasida Barqaror rivojlanish maqsadlari bo'yicha ilg'or tajribalarga ega davlatlarning ushbu sohada amalga oshirayotgan ishlari yoritib boriladi.

2022-yil yakuniga ko'ra **87** ta eng ilg'or tajribalar ega davlatlar qatoridan O'zbekiston Respublikasi ham joy oldi va mamalakatimizda Barqaror rivojlanish maqsadlariga erishishni kuzatib borish va jamoatchilikni xabardor qilish borasida amalga oshirilayotgan ishlar to'g'risida ma'lumot e'lon qilindi.

Barqaror rivojlanish maqsadlari bo'yicha erishilgan natijalarni kuzatib borish va ushbu sohada mamlakatdagi mavjud vaziyat to'g'risida dolzarb ma'lumotlarni foydalanuvchilarga taqdim etish maqsadida, 2019-yil Birlashgan Millatlar Tashkiloti Taraqqiyot dasturining texnik ko'magi bilan O'zbekiston Respublikasida Milliy barqaror rivojlanish maqsadlari ko'rsatkichlari bo'yicha veb-sayt (<https://nsdg.stat.uz/>) ishlab chiqildi.

Milliy barqaror rivojlanish maqsadlari veb-sayti O'zbekistonning barqaror rivojlanish maqsadlari bo'yicha yutuqlarni tahlil qilish va kuzatishda milliy va xalqaro foydalanuvchilar uchun yagona va ishonchli ma'lumotlar manbai hisoblanadi.

Veb-sayt o'zbek, rus va ingliz tillarida yuritiladi. Veb-sayt MDH mamlakatlari orasida ilg'or amaliyotning ajoyib namunasi va Birlashgan Millatlar Tashkiloti tizimi bilan muvaffaqiyatli hamkorlik natijasi sifatida e'tirof etildi.

Bundan tashqari, Statistika agentligi tomonidan 2018, 2019, 2020 va 2021-yillarga mo'ljallangan "O'zbekiston Respublikasida Milliy BRMLarga erishish bo'yicha statistik ko'rsatkichlar to'plamlari" uch tilda (rus, o'zbek va ingliz tillarida tayyorlangan va nashr etilgan).

Shu bilan birga, Statistika agentligi barqaror rivojlanish maqsadlariga erishish yo'lidagi milliy taraqqiyotni o'lchash va mamlakat o'z milliy ma'lumotlari va ko'rsatkichlaridan foydalanishi uchun taraqqiyot to'g'risida siyosiy jihatdan hisobot berish uchun mo'ljallangan yangi ESKATO-BRM vositasi "SDG Tracker" ni joriy etdi va foydalanuvchilarga qulay boshqaruv paneli yaratildi.

Hozirda mavjud ma'lumotlarni BRM "SDG Tracker" boshqaruv paneliga kiritish bo'yicha ishlar olib borilmoqda.

Qishloq xo'jaligi sohasida ro'yxatdan o'tkazish tadbirlarini tashkil etish masalalarida:

O'zbekiston Respublikasi Prezidentining 2020-yil 2-martdagi "2017-2021- yillarda O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasini "Ilm, ma'rifat va raqamli iqtisodiyotni rivojlantirish yili"da amalga oshirishga oid davlat dasturi to'g'risida"gi PF-5953-son Farmonining 82-bandida nazarda tutilgan.

Vazirlar Mahkamasining 2021- yil 26- fevraldagi "Qishloq xo'jaligi sohasida statistik ma'lumotlar bazasini kengaytirish va takomillashtirish chora-tadbirlar to'g'risida" 104-son hamda 2022-yil 19-apreldagi "O'zbekiston Respublikasida sinov tariqasida qishloq xo'jaligi sohasida ro'yxatdan o'tkazish ishlariga tayyorgarlik ko'rish va ularni amalga oshirish chora-tadbirlari to'g'risida" 197-son qarorlari qabul qilingan.

Qishloq xo'jaligida ro'yxatdan o'tkazish tadbirlarini tashkil etish masalalarida 2023-yil yanvar-mart oylarida quyidagi ishlar amalga oshirildi:

O'zbekiston Respublikasida 2025-yilda qishloq xo'jaligi sohasida ro'yxatdan o'tkazish chora-tadbirlari to'g'risidagi Vazirlar Mahkamasi qarori loyihasi ishlab chiqilgan.

Mazkur loyiha normativ-huquqiy hujjatlar loyihasini ishlab chiqish va kelishishning yagona elektron tizimi (project.gov.uz) orqali 2022-yil 1-dekabr kuni ID-72414-son bilan manfaatdor vazirlik va idoralar hamda Qoraqalpog'iston Respublikasi Vazirlar Kengashi, viloyatlar, Toshkent shahar hokimliklariga idoraviy kelishuv uchun yuborilgan.

Qonunchilik talablariga muvofiq, 2022- yil 22- dekabrda qaror loyihasi normativ-huquqiy hujjatlar loyihalari muhokamasi portaliga (regulation.gov.uz) jamoatchilik muhokamasi uchun (ID-73906) joylashtirilgan.

Vazirlik va idoralardan berilgan taklif va e'tirozlar ko'rib chiqildi, o'rinli deb topilgan takliflar asosida loyihaga tegishli o'zgartirishlar kiritilgan.

Loyihani huquqiy ekspertizadan o'tkazish uchun 2023- yil 11- yanvarda O'zbekiston Respublikasi Adliya vazirligiga taqdim etilgan.

Adliya vazirligi tomonidan loyiha yuzasidan 2023- yil 16- yanvarda taqdim etilgan javob xatida Moliya vazirligi bilan qayta kelishish bayon etilganligi sababli, 2023- yil 18- yanvarda loyiha normativ-huquqiy hujjatlar loyihasini ishlab chiqish va kelishishning yagona elektron tizimi (project.gov.uz) orqali idoraviy kelishuv uchun Moliya vazirligiga qayta kiritilgan.

2023- yil 14- fevralda Moliya vazirligi tomonidan loyihaga berilgan taklif va e'tirozlar ko'rib chiqildi, o'rinli deb topilgan takliflar asosida loyihaga tegishli o'zgartirishlar kiritildi hamda 2023- yil 18- fevralda Moliya vazirligiga yuborilgan.

Xalqaro amaliyotda, xalqaro tashkilotlar jumladan Birlashgan Millatlar Tashkilotining Oziq-ovqat va qishloq xo'jaligi tashkiloti (FAO) tavsiyalari asosida dunyoning ko'plab davlatlari tomonidan aholini ro'yxatga olish tadbiridan so'ng, qishloq xo'jaligi sohasida ro'yxatdan o'tkazish amaliyoti joriy etilgan.

Shu munosabat bilan, O'zbekiston Respublikasida aholini ro'yxatga olishni o'tkazish muddatiga aniqlik kiritilgandan so'ng, O'zbekiston Respublikasida qishloq xo'jaligi sohasida ro'yxatdan o'tkazishni nazarda tutuvchi normativ-huquqiy hujjat loyahasini ishlab chiqish masalasini ko'rib chiqish yuzasidan O'zbekiston Respublikasi Prezidenti Administratsiyasi hamda Vazirlar Mahkamasiga Statistika agentligining 2023-yil 20-fevraldagi rasmiy xatlari yuborilgan.

Jamoatchilik kengashi yig'ilishi kun tartibidagi 3-masala yuzasidan kengash a'zolari qaror qiladi:

1. Z.Ziyayevning xalqaro hamkorlik va axborot almashinuvi bo'yicha amalga oshirilgan ishlar haqidagi hisoboti ma'lumot uchun qabul qilinsin.
2. Barqaror rivojlanish sohasidagi milliy maqsad va vazifalarni amalga oshirish yo'nalishida amalga oshirilgan ishlar ma'lumot uchun qabul qilinsin.
3. Qishloq xo'jaligi sohasida ro'yxatdan o'tkazish tadbirlarini tashkil etish bo'yicha tashkil etilayotgan chora-tadbirlarni jamoatchilikka yetkazish hamda OAVda keng yoritish ishlari tashkil etilsin.

IV. Aholini ro'yxatga olish ishlariga tayyorgarlik ko'rish va ularni amalga oshirish bo'yicha Ro'yxatga olish jarayonlarini tashkil etish va o'tkazish boshqarmasi boshlig'i Berdiqulov Qobil G'ulamovich ma'lumot berdi;

4- masala yuzasidan Ro'yxatga olish jarayonlarini tashkil etish va o'tkazish boshqarmasi boshlig'i Berdiqulov Qobil G'ulomovich batafsil to'xtalib o'tdi.

“Aholini ro'yxatga olish to'g'risida”gi O'zbekiston Respublikasining Qonuni, O'zbekiston Respublikasi Prezidentining 2019-yil 5-fevraldagi “O'zbekiston Respublikasida 2022-yilda aholini ro'yxatga olishni o'tkazish konsepsiyasini tasdiqlash to'g'risida”gi PF-5655-son Farmoni va Vazirlar Mahkamasining “O'zbekiston Respublikasida 2023-yilda aholini ro'yxatga olishga tayyorgarlik ko'rish va uni o'tkazish chora-tadbirlari to'g'risida” 2020-yil

11-noyabrdagi 710-son qarorida belgilangan vazifalar ijrosini ta'minlash va aholini ro'yxatga olishga puxta tayyorgarlik ko'rish maqsadida **2023-yil yanvar-mart oylarida** quyidagi ishlar amalga oshirildi.

O'zbekiston Respublikasi Prezidentining Oliy Majlis va O'zbekiston xalqiga Murojaatnomasida **raqamlashtirish** bo'yicha alohida topshiriq berilgan edi, shuni inobatga olib, aholini ro'yxatga olishni Internet tarmog'i orqali va planshet qurilmalaridan foydalangan holda o'tkazish bo'yicha O'zbekiston Respublikasi Prezidenti Administratsiyasiga takliflar kiritildi.

Prezident farmoni bilan 2022–2026-yillarga mo'ljallangan Yangi O'zbekistonning taraqqiyot strategiyasini **“Insonga e'tibor va sifatli ta'lim yili”**da amalga oshirishga oid davlat dasturida ko'rsatilgan asosiy vazifalar ijrosini ta'minlash maqsadida, aholi o'rtasida ro'yxatga olish tadbirini nechog'lik muhimligi va uni o'tkazishga fuqarolarning o'zlari ham qatnashish imkoniyatiga ega ekanligi to'g'risida targ'ibot-tashviqot ishlari olib borilmoqda. Shu maqsadida statistika organlari tomonidan ommaviy axborot vositalarida, jumladan, gazeta va jurnallarda **17** ta maqola va tezislari chop etildi, turli rasmiy veb-saytlarda **40** tadan ortiq maqolalar, topiklar va yangiliklar joylashtirildi. Shuningdek, **14** ta oliy o'quv yurtlarida va **15** ta maktablarda davra suhbatlari tashkil etildi.

Statistika agentligi direktori tomonidan “Aholini ro'yxatga olish jarayonlarida foydalanish uchun kadastr organlari tomonidan taqdim etilgan mahalla xaritalarini belgilangan talablarga mosligi va sifatini o'rganish hamda kadastr organlari bilan tuzilgan shartnomaga muvofiq haq to'lash masalalarini ko'rib chiqish bo'yicha Ishchi guruhi tarkibi” tasdiqlanib, ishchi guruh tomonidan **9357** ta mahalla xaritalari birma-bir qayta ko'rib chiqildi.

Ishchi guruhi tomonidan mahalla xaritalarini belgilangan talablarga mosligi o'rganilganda **1895** ta mahalla xaritalarida ayrim xonadonlarda raqamlar va aholi soni ko'rsatilmaganligi aniqlandi. Shundan hududlar bo'yicha **375** tasi Farg'ona, **293** tasi Andijon, **270** tasi Toshkent, **228** tasi Buxoro, **176** tasi Samarqand, **124** tasi Namangan, **110** tasi Surxondaryo va **96** tasi Navoiy viloyatlari hamda **87** tasi Qoraqalpog'iston Respublikasi hissasiga to'g'ri keldi.

Belgilangan talablarga mos kelmagan ushbu mahalla xaritalari kadastr organlariga taqdim etilib, xaritalarni yangilash ishlari davom ettirilmoqda. Shuningdek, raqamlanmagan uylar va xonadonlarni raqamlash va nomi o'zgargan ko'chalarga yangi nom belgilarini o'rnatish bo'yicha mahalliy hokimliklar tomonidan amalga oshirilayotgan ishlar muvofiqlashtirib borilmoqda.

Raqamlanmagan uy va xonadonlar hamda nomi o'zgargan ko'chalarga yangi nom belgilarini o'rnatish bo'yicha mahalla raislari va faollari bilan joyiga chiqqan holda o'rganilib, xaftalik ma'lumotlar shakllantirib borilmoqda.

Registratorlar tomonidan o'rganishlar natijasida aniqlangan jami **1,4** mln raqamsiz uylardan fevral oyida **29,9** ming (**2,1** foiz) uylar joyiga chiqib o'rganildi. O'rganish natijasida **7,3** ming uylar raqamlangani ma'lum bo'ldi, bu o'rganilgan uylarning **24,5** foizini tashkil etadi.

Bundan tashqari, sinov tariqasida aholini ro'yxatga olish natijalari va xalqaro ekspertlarning taklif va tavsiyalari asosida Agentlik mutaxassislari tomonidan quyidagi normativ va uslubiy hujjatlarni takomillashtirish bo'yicha hujjat loyihalari tayyorlandi:

- O'zbekiston Respublikasida 2024-yilda aholini ro'yxatga olishga tayyorgarlik ko'rish va uni o'tkazish tartibi to'g'risida **nizom**;

- O'zbekiston Respublikasida 2024-yilda aholini ro'yxatga olishning tuman va shaharlar bo'yicha tashkiliy rejasini tuzish **tartibi**;

- O'zbekiston Respublikasida 2024-yilda aholini ro'yxatga olishning **dasturi** va O'zbekiston Respublikasida 2024-yilda aholini ro'yxatga olishning savolnoma varag'i **shakllari**;

- O'zbekiston Respublikasida 2024-yilda aholini ro'yxatga olish varag'i shakllarini to'ldirish bo'yicha **yo'riqnoma**;

- Planshet qurilmalari yordamida aholini ro'yxatga olish bo'yicha **qo'llanma**;

- O'zbekiston Respublikasida 2024-yilda aholini ro'yxatga olish jarayonlariga jismoniy va yuridik shaxslarni jalb etish va ularga haq to'lash tartibi to'g'risida **nizom**.

Shu bilan birga, **2023-yil fevral oyida** aholini ro'yxatga olishga oid normativ-huquqiy va uslubiy hujjatlarning mazmun-mohiyati bo'yicha bilim va ko'nikmalarini oshirish maqsadida hududiy statistika boshqarmalarining Ro'yxatga olish jarayonlarini tashkil etish va o'tkazish bo'limi xodimlari test sinovlaridan o'tkazildi. Test sinovlarida yetarli ball to'play olmagan xodimlarga o'z ustida ishlari va bilimlarini doimiy oshirib borishlari bo'yicha ko'rsatma va topshiriqlar berildi.

2023-yil 3-fevral kuni Birlashgan Millatlar Tashkiloti Aholishunoslik jamg'armasi (YUNFPA)ning O'zbekistondagi vakolatxonasi rahbari janob Yu Yu bilan uchrashuv tashkil etildi. Uchrashuvda aholini ro'yxatga olishda foydalaniladigan xaritalarni zamonaviy axborot kommunikatsiya texnologiyalaridan samarali foydalangan holda ishlatish imkonini yaratish masalasini ko'rib chiqish bo'yicha vazifalar kelishib olindi.

Jamoatchilik kengashi yig'ilishi kun tartibidagi 4-masala yuzasidan kengash a'zolari qaror qiladi:

1. Aholini ro'yxatga olish ishlariga tayyorgarlik bo'yicha amalga oshirilayotgan ishlar bo'yicha Ro'yxatga olish jarayonlarini tashkil etish va o'tkazish boshqarmasi boshlig'i Berdiqulov Qobil G'ulomovichning hisoboti ma'lumot uchun qabul qilinsin.

2. Aholini ro'yxatga olish ishlariga puxta tayyorgarlik ko'rish samaradorligini oshirish hamda mazkur jarayonlardan keng jamoatchilikni xabardor qilish bo'yicha aniq chora-tadbirlar rejasi ishlab chiqilsin.

3. Aholini ro'yxatga olish ishlariga tayyorgarlik ko'rish bo'yicha ishlab chiqilayotgan chora-tadbirlarni amaliyotga joriy etish, turli tadbir va o'quv kurslarini tashkil etish masalasi nazoratga olinsin.

V. Statistika agentligi faoliyatida korrupsiyaga qarshi kurashish sohasida olib borilayotgan ishlar holati tahlili;

Statistika agentligi 2023- yilning I choragi davomida korrupsiyaga qarshi kurashish tizimining faoliyati to'g'risida Korrupsiyaga qarshi ichki nazorat xizmati boshlig'i Melikmurotov Botir Nabijonovich atroflicha ma'lumot berib o'tdi.

Dastlab, Botir Melikmurotov, Agentlik va uning quyi tuzilmalarida Korrupsiyaga qarshi chora-tadbirlar dasturi doirasida bajarilgan ishlar to'g'risida umumiy axborot berib o'tdi.

Xususan, Agentlik va hududiy quyi tuzilmalarida korrupsiyani oldini olish va unga qarshi kurashish tadbirlari har chorak davomida o'tkazilib kelinmoqda. 2023-yilning I-choragi davomida Agentlikning markaziy apparati va hududiy statistika organlarida 100 dan ortiq tadbirlar o'tkazilganligini ta'kidladi. Shuningdek,

Siyosat va tartib-taomillar.

Agentlikning 2021-yil 29-dekabrda 127-son buyrug'i bilan Korrupsiyaga qarshi ichki nazorat xizmati tomonidan (siyosatlar, reglamentlar, standartlar, yo'riqnomalar va nizom) tasdiqlangan ishlar ichki idoraviy hujjatlarga asosan amalga oshirilib kelinmoqda.

Xavf-xatarlarni baholash.

Markaziy apparat va hududiy statistika boshqarmalarida 2022-yilda xavf-xatarlarni baholashga oid "Davlat statistika qo'mitasi, hududiy statistika organlarida korrupsiyaviy xavf-xatarlarni baholash uslubiyotiga 1-ilova" korrupsiyaviy xavf-xatarlar xaritasi, "Davlat statistika qo'mitasi, hududiy statistika organlarida korrupsiyaviy xavf-xatarlarni baholash uslubiyotiga 2-ilova" Korrupsiya xavf-xatariga eng ko'p moyil bo'lgan lavozimlar RO'YXATI, "Davlat statistika qo'mitasi, hududiy statistika organlarida korrupsiyaviy xavf-xatarlarni baholash uslubiyotiga 3-ilova" Statistika agentligi va uning hududiy statistika organlari korrupsiyaga qarshi kurashish dasturi kabi ilovalar markaziy

apparat va hududiy statistika organlar tomonidan baholab to'ldirilgan hamda chora-tadbirlar ishlab chiqilgan.

Statistika agentligining Korrupsiyaga qarshi ichki nazorat xizmati tomonidan 2023-yil uchun hududiy statistika boshqarmalaridan Uslubiyotning 14-bandiga binoan, Hududiy statistika boshqarmalarining Korrupsiyaviy xavf-xatarlar xaritasi boshqarmaning Korrupsiyaga qarshi kurashish bo'yicha mas'ullari tomonidan ishlab chiqilib, javob xati olingan. Hududiy statistika organlaridan yig'ilgan javob xatlariga asosan takliflar ishlab chiqilmoqda hamda korrupsiya xavf-xatarga ega bo'lgan lavozim va bo'linmalar ustidan nazorat olib borilmoqda. Xususan, ularning huquqiy savodxonligini oshirish va ish faoliyati ochiqdigi va raqamlashtirish ishlari yo'lga qo'yilmoqda. Masalan, Davlat xaridlari bo'yicha ma'lumotlar har chorak yakuni bo'yicha Agentlikning rasmiy saytiga joylashtirib borilmoqda.

Yig'ma-axborot ishlari boshqarmasi tomonidan statistik to'plamlarni xarid qilish ishlari elektronlashtirildi va [sayt](#) orqali xaridlar amalga oshirilishi yo'lga qo'yildi.

Amalga oshiriladigan korrupsiyaga qarshi kurashish tartib-taomillari, manfaatlar to'qnashuvini tartibga solish.

Agentlikning 2021- yil 29- dekabrda 127- son buyrug'i 3-ilovasi bilan "Manfaatlar to'qnashuvini boshqarish bo'yicha Nizom" tasdiqlangan. Nizomga asosan, Hududiy statistika boshqarmalarida deklaratsiya Kadrlar boshqarmasi tomonidan xodimlarga tanishtirilib, imzolangan holda tegishli yig'ma jildga tikilgan. Markaziy apparat xodimlari o'rtasida jami 20 ta yaqin qarindoshligi bor holatlar aniqlandi, ulardan hech biri bevosita bo'ysunish holati kuzatilmaganligi sababli ularga tushuntirish ishlari berildi.

Markaziy apparat va hududiy statistika organlari kesimida manfaatlar to'qnashuvining yillik deklaratsiyasi kadrlar boshqarmasi tomonidan xodimlarga tanishtirilib, imzolangan holda to'plangan.

Shuningdek 2023-yilning I-choragida hududiy statistika organlari kesimida manfaatlar to'qnashuvining yillik deklaratsiyasi tartib-taomillari, Korrupsiyaga qarshi ichki nazorat xizmati tomonidan qilingan ishlar to'g'risida ma'lumotlar to'plandi.

Korrupsiyaga qarshi shartlarni Agentlik bilan tuziladigan barcha shartnomalarga kiritish.

Korrupsiyaga qarshi kurashishda Agentlik va boshqa xo'jalik yurituvchi subektlar o'rtasida tuziladigan shartnomalarga o'zgartirish kiritish bo'yicha samarali ishlar amalga oshirildi. Masalan, xodimlarni ishga qabul qilishda mehnat shartnomalariga hamda korxonalar va tashkilotlar bilan tuziladigan konsalting shartnomalariga korrupsiyaga oid alohida band qo'shildi hamda amaliyotga tadbiq etildi.

Agentlik va hududiy statistika organlari kesimida tashkilot tizimida kontragent tomonidan korrupsiyaga qarshi qoidalar buzilishi sababli shartnomalarni bekor qilish bo'yicha tahliliy ma'lumotlar I-chorakda kuzatilmadi.

Ishga nomzodlarni tekshirish.

Agentlik tizimiga ishga kirish uchun nomzodlar: markaziy apparat va hududiy statistika tizimiga ishga kirish uchun (<https://vacancy.argos.uz/>) orqali ochiq tanlov asosida qabul qilinib kelinmoqda hamda nomzodlar ustidan o'tkazilgan tekshiruvlar bo'yicha barcha ishga qabul qilingan xodimlar nazoratdan o'tkazilgan.

Ta'lim va kommunikatsiya.

Korrupsiyaga qarshi kurashish bo'yicha markaziy apparat va hududiy statistika organlari kesimida o'quv-seminar yig'ilishlari (bevosita) o'tkazib kelinmoqda.

Statistika agentligi huzuridagi Kadrlarni malakasini oshirish va statistik tadqiqotlar institutida doimiy ravishda tizim xodimlari malaka va ko'nikmalari oshirilib kelinmoqda. Korrupsiyaga qarshi kurashishga bag'ishlangan dars soatlari yo'lga qo'yilgan.

2023- yilning I-choragida 1500 dan ortiq Statistika agentligi va uning quyi tizimi xodimlari Korrupsiyaga qarshi kurashish va murosasiz munosabatda bo'lishga bag'ishlanga targibotlarda ishtirok etishdi. 2023- yilning 3 oyi davomida 316 ta xodim malaka o'quv kurslarida qatnashishdi, kurslar davomida Korrupsiyaga qarshi 2 soatlik tushuntirish ishlari olib borildi.

2023-yil I-chorakda statistika tizimida 500 dan ortiq korrupsiyaga nisbatan murosasiz munosabatda bo'lishga qaratilgan tarqatma material va qo'llanmalar tarqatildi.

Korrupsiyaviy xatti-harakatlar va huquqbuzarliklar to'risidagi xabarlar.

Hisobot davrida xodimlarning korrupsiyaviy xatti-harakatlari, manfaatlar to'qnashuvi, korrupsiyaga qarshi boshqa qonunbuzarliklar bilan bog'liq masalalar to'g'risida xabarlar markaziy apparat va hududiy statistika organlari kesimida aloqa kanallari orqali kelib tushmagan.

Statistikaning 2021- yil 29- dekabrda 127-son buyrug'i 9-ilovasi bilan "Hisobotni shakllantirish va taqdim etish bo'yicha Nizom" tasdiqlangan. Ushbu, Nizomga asoslanib hududiy statistika boshqarmalarida tizimli ravishda o'rganish olib borilib korrupsiyaviy xavf-xatarlar aniqlanmagan.

Agentlik va hududiy statistika organlari kesimida xodimlar tomonidan korrupsiya holatlari aniqlanganda ular bilan tuzilgan mehnat shartnomasi qonunchilikga muvofiq bekor qilinishi haqida ogohlantirilgan.

Xodimlarni ishga qabul qilish jarayonlari to'liq elektronlashtirilgan bo'lib, tashkil etilgan maxsus ishchi komissiya nazorati ostida suhbat va test jarayonlari amalga oshirilib kelinmoqda.

Xodimlar tomonidan joriy yilning I-choragida korrupsiyaviy xatti-harakatlar, manfaatlar to'qnashuvi holatlari aniqlanmagan.

Ishonch telefonlari domiy ravishda nazoratga olingan va korrupsiyaviy omillar to'g'risida ma'lumotlar kelib tushmagan.

Monitoring va nazorat.

Hududiy statistika organlari kesimida tekshiruvlar o'tkazish, Korrupsiyaga qarshi ichki nazorat xizmatining 2023-yil uchun tasdiqlangan reja grafikka muvofiq, amalga oshiriladi.

2023-yilning I-choragi davomida Korrupsiyaga qarshi ichki nazorat xizmati tomonidan Statistika agentligining Toshkent shahar, Toshkent viloyatlarida o'rganishlar amalga oshirildi, o'rganishlar davrida aniqlangan kamchiliklar yuzasidan ma'sul xodimlarga tushuntirishlar berildi.

Hududiy statistika organlari xodimlariga korrupsiyaga doir bilim, ko'nikmalar va korrupsiyaviy omillarni keltirib chiqaruvchi holatlar yuzasidan davra suhbatlari o'tkazildi. Hududiy statistika boshqarma boshliqlariga korrupsiyaviy holatlar yuzaga kelmasligi uchun takliflar berildi.

Aniqlangan qoidabuzarliklar va ularga ta'sir choralari.

Joriy yilning I-chorak yakuni bo'yicha qo'mita va hududiy statistika organlarida korrupsiyaga oid qoidabuzarliklar aniqlanmadi. Qoidabuzarliklar to'g'risidagi ma'lumotlar uchun axborot manbalari, ishonch telefoni bevosita monitoring va nazoratga olingan.

Xulosa.

Statistika agentligida Korrupsiyaga qarshi murossasiz munosabat siyosatini yuritish yo'lga qo'yilgan. Biroq, tizimda o'ziga xos kamchiliklar ham mavjud. Agentlik tizimi tahlil qilinganda kadrlar qo'nimsizligi mavjudligi aniqlandi. Joriy yilning yanvar-mart oylarida Agentlikning markaziy apparatidan **3 ta xodim** bilan tuzilgan mehnat **shartnomasi bekor qilingan**.

Ochiqlik va shaffoflikni ta'minlash bo'yicha bir qator ishlar amalga oshirildi. Bulardan har chorak yakuni bo'yicha davlat xaridlari yuzasidan hisobot tayyorlanib, Agentlikning rasmiy saytiga joylashtirildi.

Xodimlarni ishga qabul qilish to'liq davlat fuqarolik xizmatlari (ARGOS) orqali qabul qilinib kelinmoqda. Bo'sh ish o'rinlari to'g'risidagi ma'lumotlar qo'mitaning rasmiy sayti e'lonlar bo'limiga hamda davlat fuqarolik xizmatlariga berildi.

Agentlikda korrupsiyaga qarshi chora-tadbirlar rejasi tasdiqlangan va barcha hududiy organlarga yuborilgan. Hududiy statistika boshqarmalari har chorak yakuni bo'yicha hisobot taqdim etishmoqda.

Korrupsiyaga qarshi ichki nazorat xizmati tomonidan joylarga chiqqan holda hududlarning korrupsiyaga qarshi amalga oshirayotgan ishlarni o'rganish yo'lga qo'yilgan. Joriy yilning yanvar-mart oylari davomida tasdiqlangan grafik asosida o'rganishlar amalga oshirildi va natijalar yuzasidan rahbariyatga ma'lumot kiritildi.

Korrupsiyaga qarshi ichki nazorat xizmati tomonidan korrupsiyaviy xavf-xatarlarni kamaytirish bo'yicha rahbariyatga takliflar kiritib kelinmoqda.

Korrupsiyaga qarshi ichki nazorat xizmatining asosiy maqsadi tizimni korrupsiyaviy xavf-xatarlardan holi qilish va "**korrupsiyasiz soha**" maqomini olishdan iborat.

Ma'lumot tariqasida Davlat organlari va tashkilotlarida korrupsiyaga qarshi kurashish ishlarining samaradorligini reyting baholash natijalariga asosan, Korrupsiyaga qarshi kurashish agentligining ekspertlari tomonidan 2022 yil yakuni tahlillariga kora, korrupsiyaviy holatlarni oldini olish bo'yicha o'tkazilgan targ'ibotlar natijasi uchun Statistika agentligining "e-anticor" platformasiga kiritilgan ma'lumotlari 71 ball bilan "**Qoniqarli**" deb baholandi.

Jamoatchilik kengashi yig'ilishi kun tartibidagi 5-masala yuzasidan kengash a'zolari qaror qiladi:

1. Agentlikda 2023-yilning I-choragi davomida korrupsiyaga qarshi kurashish tizimining faoliyati to'g'risida Korrupsiyaga qarshi ichki nazorat xizmati boshlig'i Melikmurotov Botir Nabijonovichning hisoboti ma'lumot uchun qabul qilinsin.

2. Korrupsiyaga qarshi kurashish tizimini takomillashtirish bo'yicha tashkil etilayotgan tadbir va seminarlarning Axborot xizmati tomonidan OAVda keng yoritilishi ta'minlansin.

3. Korrupsiyaga qarshi ichki nazorat xizmati tomonidan korrupsiyaviy xavf-xatarlarning oldini olish bo'yicha aniq taklif va tavsiyalar ishlab chiqilib, amaliyotga keng joriy etilsin.

VI. Ijro intizomi bo'yicha I chorak yakuni bo'yicha bajarilgan ishlar.

Statistika agentligi 2023- yilning I-choragi davomida ijro intizomi bo'yicha Jismoniy va yuridik shaxslarning murojaatlari bilan ishlash va ijro intizomi nazorati boshqarmasi boshlig'i Berdibayev Fayzulla Zaripbayevich ma'lumot berib o'tdi.

O'zbekiston Respublikasi Prezidenti huzuridagi Statistika Agentligiga kelib tushgan 2023- yil yanvar-mart murojaatlar tahlili.

O'zbekiston Respublikasi Prezidenti huzuridagi Statistika Agentligiga 2023-yil yanvar-mart oylarida jismoniy va yuridik shaxslardan kelib tushgan murojaatlarning jami soni 230 tani tashkil etgan.

Ularning 118 tasi (jamiga nisbatan 53,3 %) jismoniy shaxslardan, 112 tasi (48,7 %) yuridik shaxslarning hissasiga to'g'ri keladi.

Shu jumladan, kelib tushgan murojaatlarning 42 tasi O'zbekiston Respublikasi Prezidentining virtual qabulxonasi orqali, 105 tasi elektron pochta orqali, 33 tasi Agentlik rahbariyati tomonidan o'tkazilgan sayyor qabullar orqali, 4 tasi shaxsiy qabullar orqali og'zaki murojaatlar, 2 tasi ishonch telefonlari orqali, 44 tasi to'g'ridan-to'g'ri kelib tushgan.

Kelib tushgan murojaatlarning mazmun-mohiyati yuzasidan qilingan tahlillarga ko'ra, 84 tasi (jamiga nisbatan 36,5 foiz) Respublikaning ijtimoiy-iqtisodiy rivojlanish statistik ko'rsatkichlari ma'lumotlarni taqdim etish yuzasidan, 56 tasi (24,3 foizi) o'z faoliyatini amalga oshirish uchun amaliy yordam olish yuzasidan, 40 tasi (17,4 foizi) korxonalar va tashkilotlarning yagona davlat registr bazasiga kiritish, chiqarish, statistik kodlar berish masalasi

yuzasidan, 30 tasi (13,0 foizi) statistik hisobotlarni to'ldirish va taqdim etish bo'yicha tushuntirish berish yuzasidan, 7 tasi (3,0 foizi) nafaqa hujjatlarini rasmiylashtirish uchun ish staji, ish haqi to'g'risida arxiv ma'lumotlarini olish masalalari yuzasidan, 13 tasi (5,7 foizi) boshqa masalalar yuzasidan murojaatlarni tashkil etgan.

Statistika agentligiga kelib tushgan murojaatlarning asosiy qismi Toshkent shahridan 124 ta murojaatlarni (jamiga nisbatan 53,4 foizi) tashkil etgan.

Shuningdek, Toshkent viloyatidan 18 ta (7,8 foiz), Qashqadaryo viloyatidan 12 ta (5,2 foiz), Sirdaryo viloyatidan 12 ta (5,2 foiz), Buxoro viloyatidan 11 ta (4,8 foiz), Samarqand viloyatidan 11 ta (4,8 foiz), Andijon viloyatidan 10 ta (4,3 foiz), Navoiy viloyatidan 6 ta (2,6 foiz), Farg'ona viloyatidan 6 ta (2,6 foiz), Jizzax viloyatidan 6 ta (2,6 foiz), Namangan viloyatidan 6 ta (2,6 foiz), Navoiy viloyatidan 6 ta (2,6 foiz), Surxondaryo viloyatidan 3 ta (1,3 foiz), Xorazm viloyatidan 3 ta (1,3 foiz), Qoraqalpog'iston Respublikasidan 2 ta (0,9 foiz) murojaatlar kelib tushgan.

Kelib tushgan murojaatlar Agentlik rahbariyati tomonidan nazoratga olinib, ularning barchasiga o'z muddatlarida tegishli mas'ul ijrochilar tomonidan yozma ravishda javob xati yuborilgan.

Statistika agentligiga kelib tushgan jami 230 ta murojaatlardan 162 ta murojaatlarga chora ko'rilgan, 52 ta murojaatlarga tushuntirish berilgan, 16 ta murojaatlar ko'rib chiqish jarayonida.